

Broj: 03-04-1456-40/21  
Sarajevo, 14.04.2022. godine

**PARLAMENT FEDERACIJE BOSNE I HERCEGOVINE**  
**Zastupnički dom**  
n/p gosp. Mirsadu Zaimoviću, predsjedatelju

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Prilijeno: 15-04-2022			
Org. jed.	Broj	Priloga	Vrijednost
05/11	- 02 -	370	121

Predmet: Izjašnjenje Vlade Federacije Bosne i Hercegovine

Poštovani,

Sukladno članku 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08 i 26/20), u privitku akta dostavljam Vam Izjašnjenje Vlade Federacije Bosne i Hercegovine na Inicijativu koju je podnijela Kenela Zuko, zastupnica u Zastupničkom domu Parlamenta Federacije Bosne i Hercegovine, a koje je Vlada Federacije Bosne i Hercegovine utvrdila na 311. sjednici, održanoj 14. travnja 2022. godine.

S poštovanjem,



CO: FEDERALNO MINISTARSTVO ZDRAVSTVA

Privitak: kao u tekstu

## VLADA

## ВЛАДА

BOSNIA AND HERZEGOVINA

FEDERATION OF BOSNIA AND HERZEGOVINA

## GOVERNMENT

Na temelju članka 75. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH”, br. 6/10, 37/10, 62/10, 39/20 i 67/21) i članka 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH”, br. 69/07, 2/08 i 26/20), nakon razmatranja Inicijative u svezi sa osiguranjem senzora za mjerenje šećera u krvi za oboljele od dijabetesa tipa 1 uzrasta od 0-18 godina i studente do navršene 26. godine života, koji žive na području Federacije BiH, koju je podnijela Kenela Zuko, zastupnica u Zastupničkom domu Parlamenta Federacije Bosne i Hercegovine, Vlada Federacije Bosne i Hercegovine je na prijedlog Federalnog ministarstva zdravstva, na 311. sjednici održanoj 14. travnja 2022. godine utvrdila sljedeće

## IZJAŠNENJE

Tajnik Zastupničkog doma Parlamenta Federacije Bosne i Hercegovine dostavio je inicijativu Kenele Zuko, zastupnice u Zastupničkom domu Parlamenta Federacije Bosne i Hercegovine radi pripreme izjašnjenja. Inicijativa se podnosi da se za oboljele od dijabetesa tipa I osiguraju senzori za mjerenje šećera u krvi, uzrasta od 0-18 godina i studente do navršene 26. godine života koji žive na području Federacije BiH. U inicijativi se obrazlaže da je slijedom članka 35. Zakona o zdravstvenom osiguranju stavak 2. predviđeno da obim prava obveznog zdravstvenog osiguranja iz članka 32. ovog zakona, kao i drugih prava iz obveznog zdravstvenog osiguranja, će utvrditi Parlament Federacije, na prijedlog Vlade Federacije BiH, uključujući pritom i:

- posebne prioritetne federalne programe zdravstvene zaštite koja će se provoditi na teritoriji Federacije;
- prioritetne najsloženije oblike zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije.

Do donošenja osnovnog paketa zdravstvenih prava, Vlada Federacije BiH će privremeno utvrditi prioritetne federalne programe zdravstvene zaštite i prioritetne najsloženije oblike zdravstvene zaštite iz određenih specijalističkih djelatnosti, koji će se pružati osiguranim licima na teritoriji Federacije BiH.

U Inicijativi se navodi da Vlada Federacije BiH može donijeti Odluku o utvrđivanju prioritetnih vertikalnih programa zdravstvene zaštite od interesa za Federaciju Bosne i Hercegovine i prioritetnih najsloženijih oblika zdravstvene zaštite iz određenih specijalističkih djelatnosti koji će se pružati osiguranim osobama na teritoriju Federacije Bosne i Hercegovine, a kojom bi se realizirala naprijed navedena inicijativa.

Slijedom navedene inicijative ističemo sljedeće:

Nesporno je da je člankom 35. st. (2) i (3) Zakona o zdravstvenom osiguranju („Službene novine Federacije BiH”, br. 30/97, 7/02, 70/08, 48/11 i 36/18) regulirano da će se opseg prava obveznog zdravstvenog osiguranja iz članka 32. ovog zakona, kao i drugih prava iz obveznog zdravstvenog osiguranja (u daljem tekstu: osnovni paket zdravstvenih prava), utvrditi Parlament Federacije, na prijedlog Vlade Federacije, najkasnije u roku od 90 dana od dana stupanja na snagu ovog zakona, uključujući pri tom i:

- posebne prioritetne federalne programe zdravstvene zaštite koja će se provoditi na teritoriji Federacije;
- prioritetne najsloženije oblike zdravstvene zaštite iz određenih specijalističkih djelatnosti koji će se pružati osiguranim osobama na teritoriji Federacije.

Do donošenja osnovnog paketa zdravstvenih prava, Vlada Federacije će privremeno utvrditi prioritetne federalne programe zdravstvene zaštite i prioritetne najsloženije oblike zdravstvene zaštite iz određenih specijalističkih djelatnosti, koji će se pružati osiguranim osobama na teritoriji Federacije BiH.

Znači, pravo i nadležnost Vlade Federacije BiH iz citirane zakonske odredbe za privremeno utvrđivanje prioritetnih federalnih programa zdravstvene zaštite i prioritetnih najsloženijih oblika zdravstvene zaštite iz određenih specijalističkih djelatnosti, koji će se pružati osiguranim osobama na teritoriji Federacije BiH, važno je do donošenja osnovnog paketa zdravstvenih prava od strane Parlamenta Federacije BiH. To podrazumjeva, da je ova odredba Zakona bila temporalnog karaktera. Vlada Federacije BiH je u ranijem razdoblju donijela Odluku o utvrđivanju prioritetnih vertikalnih programa zdravstvene zaštite od interesa za Federaciju Bosne i Hercegovine i prioritetnih najsloženijih oblika zdravstvene zaštite iz određenih specijalističkih djelatnosti koji će se pružati osiguranim osobama na teritoriju Federacije Bosne i Hercegovine ("Službene novine Federacije BiH", br. 8/05, 11/07, 44/07, 97a/07 i 33/08).

Sa donošenjem Odluke o utvrđivanju osnovnog paketa zdravstvenih prava („Službene novine Federacije BiH”, broj 21/09) od strane Parlamenta Federacije BiH, prestala je nadležnost Vlade Federacije BiH da ovu materiju uređuje svojom odlukom, a kako to utvrđuje i odredba članka 35. stavak (3) Zakona o zdravstvenom osiguranju: „Do donošenja osnovnog paketa zdravstvenih prava, Vlada Federacije će privremeno utvrditi prioritetne federalne programe zdravstvene zaštite i prioritetne najsloženije oblike zdravstvene zaštite iz određenih specijalističkih djelatnosti, koji će se pružati osiguranim osobama na teritoriji Federacije BiH”.

Realizacija podnijete inicijative na način kako predlaže zastupnica Kenela Zuko moguća je samo izmjenom i dopunom Odluke o utvrđivanju osnovnog paketa zdravstvenih prava, a što je u nadležnosti Parlamenta Federacije BiH, što uključuje i osiguranje potrebnih finansijskih sredstava za ove namjene za proširenje programa federalnog fonda solidarnosti.

Opreza radi ističemo da je točkom IX. Odluke o utvrđivanju osnovnog paketa zdravstvenih prava jasno utvrđeno što se financira iz sredstava federalnog fonda solidarnosti. Između ostalog, točkom IX. Ove Odluke utvrđeno je da se osnovnim paketom zdravstvenih prava osigurava provođenje preventivnih programa i drugih zdravstvenih usluga kod djece – kao što je nabava traka i aparata za kontrolu dijabetesa. Ukazujemo da je sukladno Odluci o utvrđivanju osnovnog paketa zdravstvenih prava moguće predvidjeti nabavu senzora za mjerenje šećera u krvi, uzrasta od 0-18 godina i studente do navršene 26. godine života iz sredstava obveznog zdravstvenog osiguranja kantona, kao i iz kantonalnih proračuna.

U ranijim godinama iz sredstva federalnog fonda solidarnosti finansirana je i nabava inzulinskih pumpi za djecu u Federaciji BiH. Također navodimo da su u Finansijskom planu Zavoda zdravstvenog osiguranja i reosiguranja Federacije BiH za 2022. godinu predviđena sredstva od 300.000 KM za preventivne programe, a sukladno točki IX. Odluke o utvrđivanja osnovnog paketa zdravstvenih prava, i to za one preventivne programe koji su u nadležnosti federalnog fonda solidarnosti.

Imajući u vidu naprijed navedeno, zastupnička inicijativa zastupnice Kenele Zuko se ne prihvata, obzirom da je nije moguće realizirati odlukom Vlade Federacije BiH, već je isto u isključivoj nadležnosti Parlamenta Federacije BiH. Donošenje propisa iz oblasti zdravstva od strane Parlamenta Federacije BiH, sukladno Ustavu Federacije BiH, podliježe prethodnom mišljenju kantona.

V. broj: 499/2022  
14. travnja 2022. godine  
Sarajevo

